

Cyngor Tref Frenhinol Caernarfon

Cofnodion Pwyllgor Adloniant, 22/02/21 – Cyfarfod Rhithiol

Yn bresennol: Y Cyngorwyr W.L.Davies, E.R.Hughes (Cadeirydd), A.Hopcyn, D.L.Jones, K.Jones, E.Lovgreen, R.Thomas

1.Ymddiheuriadau

Y Cyngorydd M.Sarnacki

2. Datgan Buddiant Personol

Dim

3.Eitemau Brys (Cadeirydd/Clerc)

Dim

4. Tendr Goleuadau Nadolig

Cafwyd trafodaeth ar fynd allan am dendr am y goleuadau Nadolig.

Nodwyd fod Blachere, y darparwyr presennol, wedi cynnig blwyddyn arall, fel cynllun wrth gefn.

Penderfynwyd:

- (1) Rhoi awdurdod i'r Clerc fynd allan i dendr, gan ymgorffori'r pwyntiau a wnaethpwyd yng nghofnodion y Pwyllgor Adloniant ar y 12fed o Ionawr, 2021.**
- (2) Y dylid edrych ar gael coeden Nadolig ar dop Stryd Llyn a / neu ar Turf Square.**
- (3) Y dylid ymgynghori efo'r cyhoedd o ran beth oedd eu dyheadau o ran y goleuadau Nadolig yn y dref.**
- (4) Ystyried un ai cael un tendr mawr fyddai yn ymdrin â phopeth, neu o bosib y bydd yn rhaid cael un neu ddau o dendrau llai.**

5. Gŵyl Dewi

Cafwyd trafodaeth ar y trefniadau Gŵyl Ddewi eleni, gan y byddai'n amhosib i'r trefniadau arferol gymryd lle oherwydd Covid-19.

Nodwyd:

- (1) Bod penderfyniadau'r pwyllgor hwn ar y 12fed o Ionawr wedi eu gweithredu, hynny yw:**
 - Peidio â chynnal yr Orymdaith Gŵyl Dewi eleni oherwydd Covid.

- Cynnal cystadleuaeth ysgrifennu cerdd i ysgolion ar y thema “Caernarfon Heddiw” ac i ofyn i’r bardd Rhys Iorwerth feirniadu.
- (2) Erbyn hyn roedd y plant wedi ffilmio eu cerddi buddugol, yn barod i fynd ar ein gwefan ac ar y safle Facebook erbyn dydd Gŵyl Dewi.
 - (3) Bod medal a £10 i’r buddugwyr.

Penderfynwyd:

- (1) **Ysgrifennu llythyr o ddiolch i Rhys Iorwerth, ac argymhell ei fod yn derbyn tâl fydd yn cyfateb i feirniad y Gystadleuaeth Garddio.**
- (2) **Rhannu’r wybodaeth am yr enillwyr yn Papur Dre ac yn Bro360.**

6. Blodau ar y Maes

Cafwyd trafodaeth ar yr uchod, gan ystyried y ffordd ymlaen ar gyfer y dyfodol, yn cynnwys y defnydd o wirfoddolwyr.

Nodwyd y byddai blodau fel Trailing Begonias yn ddelfrydol.

Penderfynwyd:

- (1) **Creu dyddiadur o ran beth fydd angen digwydd pa bryd o ran plannu blodau ar y Maes.**
- (2) **Gofyn am gwot gan gwmnïau fyddai’n gallu plannu blodau yn y planters ar y Maes, a hefyd gofalu amdany’n nhw yn wedyn (dyfrio a bwydo).**
- (3) **Gofyn i’r Clerc holi Cyngorau Tref gyfagos, fel Biwmares, pwy oedd yn gyfrifol am eu blodau hwy.**

7. Cystadleuaeth Gerddi

Cafwyd trafodaeth ar yr uchod, yn cynnwys os fyddai modd cael cystadleuaeth ar gyfer ysgolion.

Nodwyd nad oedd pobl yn gwneud cais i gymryd rhan wedi bod yn hollol lwyddiannus. Byddai’n rhaid llythyr gyda bob cartref yng Nghaernarfon er mwyn cael y neges allan.

Darllenodd y Clerc e-bost gan y Cyngorydd Maria Sarnacki, oedd yn amlinellu amryw o opsiynau.

Penderfynwyd:

- (1) **Argymhell y dylai’r gystadleuaeth gymryd lle ddiwedd Mehefin / dechrau Gorffennaf, ond y dylid holi Mr Alun Roberts o ran pa amser yn y flwyddyn fyddai’n ddelfrydol o ran gweld y blodau ar eu gorau.**
- (2) **Gofyn i’r Clerc gyflwyno papur gerbron y pwyllgor hwn yn ei gyfarfod nesaf, yn amlinellu’r opsiynau o ran y cwpanau ac yn y blaen.**
- (3) **Gofyn i’r Clerc drafod efo ysgolion pa mor ymarferol fyddai i ysgolion gymryd rhan eleni yng nghanol Covid-19.**

(4) Gofyn i'r Cwmni fyddai wedi ennill y contract o ran y blodau ar y Maes i feirniadu'r Gystadleuaeth Gerddi hefyd.

Gorffennodd y cyfarfod am 6.50 p.m.

Arwyddwyd _____

Dyddiad _____